

D E K R E T
Nr.1431, datë 27.3.1996

**PËR NJË NDRYSHIM NË LIGJIN NR.8053, DATË 21.12.1995 “PËR KALIMIN NË PRONËSI
PA SHPËRBLIM TË TOKËS BUJQËSORE”**

Në mbështetje të nenit 28, pika 19, të ligjit nr.7491, datë 29.4.1991 “Për dispozitat kryesore kushtetuese”, me propozimin e Këshillit të Ministrave,

D E K R E T O J:

Neni 1

Në ligjin nr.8053, datë 21.12.1995, pas nenit 3, shtohet neni 3/1 me këtë përmbajtje:

“Përdoruesit e tokave bujqësore brenda vijave kufizuese ose në zonat me përparësi turizmi do të kompensohen me truall në zonat urbane ose në bregdet, në momentin që toka e tyre do të përdoret për kompensim fizik ose në rastet e ndërtimeve publike.

Masa e kompensimit do të jetë:

- Për familjet mbi 6 pjesëtarë, sipërfaqja e truallit do të jetë deri 1 500 m².
- Për familjet me më pak pjesëtarë, masa e kompensimit do të zbritet 200 m² për çdo pjesëtar më pak.

Përdoruesit e këtyre kategorive të tokave bujqësore do të paraqesin në komisionet shtetërore të kthimit dhe kompensimit të pronave dokumentet që vërtetojnë marrjen e tokës në përdorim, në afatet që përcaktohen në ligjet për kthimin dhe kompensimin e pronave”.

Neni 2

Ky dekret hyn në fuqi menjëherë.

PRESIDENTI I REPUBLIKËS
Sali Berisha